

Sámi allaskuvla lea árben iežas logo Sámi instituhtas. Logo govvida beaivváža, mii lea dehálaš sámiid eallimis. Beaivvášsymbola maiddá mitala ahte sámi álbmot orru njealji guovllus: davvin, máddin, oarjin ja nuortan.

Strategiijaplána 2017-2021

Sámi allaskuvla lea oahppan- ja dutkanásahus. Dasa gullá maiddá Sámi lohanguovddáš mii lea našunála gelbbolašvuodaguovddáš ja bargá sámegielaid čállin- ja lohkanohpahusa doaimmaiguin.

Sámi allaskuvla ásahuvvui 1989:s. Ásaheami ulbmil lei gokčat sámi servodaga oahppodárbbuid. Jagis 2005 ovtastahttojuvvui Sámi Instituhtta Sámi allaskuvllain. Sámi instituhtta ásahuvvui 1973:s.

World Indigenous Higher Education Consortium, WINHEC, dohkkehii Sámi allaskuvlla eamiálbmotásahussan áigodahkii 2008–2018. Sámi allaskuvla lea maid miellahtun University of Arctic (UArctic) ja UArctic-fierpmáidagas gos Sámi allaskuvla vuoruha eamiálbmotdoaimmaid.

Sámi allaskuvla – nana sámi oahppo- ja dutkanásahus

Sámi allaskuvla lea eamiálbmotásahus man ovddasvástádussan leat oahpahus- ja dutkandoaimmat, gulahallan ja ovtasdoaimman birastahtti servodagaiguin. Sámi allaskuvlla doaimmain main sámegiella, árbevirolaš máhttu ja ođasmahttin leat guovddážis, atná olles Sámi ja eamiálbmotkultuvrraid vuolggasadjin.

Strategiijaáigodagas galgá Sámi allaskuvla iežas rámmaid siskkobealde leat mielde nanneme ja ovddideame sámi servodagaid, ealáhusaid, giela ja kultuvrra. Bargu galgá leat vuodduuvvon daid eavttuid ja kvalitehtaid ala mat gávdnojit sámi servodagain ja kultuvrras.

Sámi allaskuvla lea álggu rájes bargan dihtomielalaččat joksat dieđalaš allaskuvlla dási. Strategiijaáigodagas galgá Sámi allaskuvla nannet dálá oahpuid ja dutkan- ja ovddidandoaimmaid ja álggahit ođđa masteroahpuid. Dasa lassin galgá Sámi allaskuvla árvoštallat vejolašvuodaid álggahit ođđa doavttergrádaoahpuid mat dorjot universitehtadási ulbmila olaheami.

Sámi allaskuvlla 2016-oahppofálaldagat leat:

- Sámegiela ja sámi girjjálašvuoda oahput iešguđet dásis
- Duodje- ja hábmehoahput iešguđet dásis
- Sámi oahpaheaddjioahput (4-jagi vuođđoskuvlaoahpaheaddjioahput ja mánáidgárdeoahpaheaddjioahput)
- Boazodoallooahput iešguđet dásis
- Journalistihkkaoahput iešguđet dásis

Sámi allaskuvla lea rádjerasttideaddji oahppo- ja dutkanásahus, mii rekruttere studeantaid ja bargiid miehtá Sámi. Formálalaččat gullá Sámi allaskuvla Norgga universitehta- ja allaskuvlasektorii. Sámi allaskuvla áigu strategiijaplánaáigodagas bargat dan ovdii ahte nannet buotsámi perspektiivva buriid ja geabbilis oahppofálaldagaid bokte, ja buori dutkanbarggu bokte sisriikkalaččat ja riikkaidgaskasaččat. Sámegiela geavaheapmi, oahpaheapmi ja ovddideapmi galgá leat guovddážis.

Strategiijaáigodagas áigu Sámi allaskuvla ođasmahttit akkrediterema WINHEC:s.

Strategiijaáigodagas áigu Sámi allaskuvla nannet riikkaidgaskasaš ovttasbargguid sihke dutkamis, studeantalonohallamis ja fágalaš máhtolašvuoda lonuhallamis.

Višuvdna: *Sámi universitehta ja eamiálbmotuniversitehta*

Sámi universitehta ja eamiálbmotuniversitehta gos sámegiella gullo ja čállo beaivválaččat, ja gos sámiid ja eará eamiálbmogiid árvvut ja jurddašeamit leat guovddážis.

- *Ovdánahttit ásahusa njunuš universitehtan ja alitdási oahppo- ja dutkanásahussan Sámis, Norggas, eamiálbmotmáilmmis ja muđui máilmmis*
- *Sámi máhtut ja eallinádejumit Sámi allaskuvlla árvvuid vuođđun*

Sámi allaskuvlla guovddáš árvvut


- ovddasvástideaddji
- ceavzi
- máhtolaš
- čohkkejeaddji
- áigeovddil

Sámi allaskuvlla mihttomearit:

- leat sámiid ja eamiálbmogiid oahppo- ja dutkanásahus mas lea nana fágalaš profiila
- hukset fálddagaid mat dustejit sámi servodagaid fágalaš hástalusaid
- leat studeantaid vuosttaš vuoruheapmin studeren- ja dutkanásahussan
- leat njunuš ásahussan nannemin ja ovddideamen sámegiela dieđa-, oahpahus- ja hálddahusgiellan
- Sámi lohanguovddáš šaddá bastevaš našunála máhtolašvuodaguovddážin
- nannet ja vuoruhit oahpuid ja dutkamiid mat ovddidit Sámi allaskuvlla universitehtan
- čađahit váldodoaimmaid bevttoleamos vuogi mielde daid ekonomalaš ja fágalaš rámmaeavttuid vuodul maid áigges áigái leat

Njeallje strategalaš vuoruhansuorggi

- Leat njunuš biras gos oahppat ja bargat sámegillii ja sámegielain
- Atnit lagas gulahallama ja ovttasbarggu sámi servodagaiguin
- Leat bevttolaš, áigeguovdilis ja geasuheaddji ásahus
- Fállat rájáid rasttildeaddji alitoahpu ja dutkama



Strategalaš vuoruheamit ja daid čađahahttivuohta

Njunuš biras oahppat, dutkat ja bargat sámegillii

Mihttomearri

Sámi allaskuvla galgá leat sámiid ja eamiálmogiid njunuš oahppo- ja dutkanásahus mas lea nana fágalaš profiila.

Sámi allaskuvla galgá leat njunnošis Sámis ovdánahttimin nana oahpuid sámegillii ja sámegieloahpuid álgodásis gitta doavttergráda dássái.

Strategiijat

- Nannet ja viiddidit oahppofálaldagaid vai šaddat sámi ja Norgga eamiálbmotuniversitehtan
- Fállat oahppofálaldagaid mat leat analyserejuvvon sámi servodagaid dárbuid ja ávkki vuodul.
- Buoridit rekrutterema nu ahte oahppofálaldagat geasuhit eambo studeantaid
- Lasihit ja nannet mánggabealat oahpahusvugiid ja áigeguovdilis oahppanvugiid mat ovddidit buori oahppanbirrasa
- Ovdánahttit ja nannet fágaidrasttideaddji oahpuid ja dutkandoaimmaid
- Fállat oahpuid mat lassin fálaldagaide davvisámegillii maiddái fátmastit eará sámezielaid ja muđui eará gielaid
- Árvvoštallat ásahit ođđa doavttirgrádoahpuid
- Systemáhtalaččat iskat ja analyseret ásahusa sámeziel máhtolašvuoda vai giellaprofiila olahuvvo
- Nannet ja ovdánahttit Sámi lohkanguovddáža doaimmaid
- Čohkket Ovttas.no bokte buot ođđa oahppanressaid oktasaš diehtovuorkái ja ásahit luoikkahanortnega, mii bohtá buot riikkaid geavaheddjiide buorin

Lagas gulahallan ja ovttasbargu sámi servodagaiguin

Mihttomearri

Sámi allaskuvllas galgá leat lagas gulahallan ja ovttasbargu sámi servodagaiguin vai ovttasbargu lihkostuvvá buoremusat

Strategiijat

- Háhkát dieđuid sámi ásahusain ja báikegottiin, vai sáhttit fállat heivvolaš oahpahus- ja dutkandoaimmaid
- Ásahit sámi servodagaiguin ovttas vuogádaga mii ovddida ja nanne sámiid árbevirolaš luondduipmárdusa ja luonddugeavaheami

- Čađahit iskkademiid, maid bokte čohkket ja analyseret dieđuid nuoraid ja servvodagaid diliid ja fágalaš dárbbuid birra
- Jahkásaččat buorebut juohkit dieđuid sámeguovlluid joatkkaskuvllaide, logahagaide ja gymnásaskuvllaide ja gulahallat daid ohppiiguin
- Bevttolaččat ja viidát gaskkustit Sámi allaskuvlla dutkanbohtosiid
- Buoridit, ovdánahttit ja kvalitehtasihkkarastit dieđuid ja digitála gulahallama Sámi allaskuvllas

Bevttolaš, áigeguovdilis ja geasuheaddji ášahus

Mihttomearri

Sámi allaskuvlla váldodoaimmat galget čađahuvvot bevttolaš ja buori vuogi mielde. Dat mearkkaša, ahte buot formála geatnegasvuođat doalahuvvojit ja ahte buohkain lea buorre ja oadjebas bargo- ja oahppobiras.

Strategiijat

- Nuppástuhttit, nannet ja ovdánahttit organisašuvdnastruktuvrra, vai joksat nana jođihangotti, hálddahusa ja doarjjadoaimmaid
- Ovddidit bevttolaš resursajuogu ja gulahallama, ja geavahit personála máhtolašvuođa ulbmilleamos vuogi mielde.
- Joatkit rekrutteret máhtolaš bargiid ja obbalaččat nannet fágabirrasa.
- Nannet ja álkidahttit hálddahaslaš doaimmaid
- Ovddidit ja nannet sámegielmáhtolašvuođa buot surggiin
- Čielgasit árvoštallat, vuoruhit ja čađahit doaimmaid dihto rámmaid ja mandáhtaid siskkobealde

Rájáid rasttideaddji alitoahppu ja dutkan

Mihttomearri

Sámi allaskuvla galgá nannet iežas sajádaga njunuš alitdási máhttoásahussan Sámis, eamiálbmotmáilmmis ja riikkaidgaskasaččat

Strategiijat:

- Vuoruhit ja viiddidit Sámi allaskuvlla doaimmaid miehtá sámeguovllu
- Ovttasbargat alitdási máhttoásahusaiguin Davviriikkain ja eamiálbmotguovlluin, earenoamážit WINHEC olis, dutkama ja ođđa oahppoprográmmaid ovdánahttimis
- Doalahit, ođasmahttit ja ovdánahttit ovttasbargošiehtadusaid fierpmádagaiguin, mat nannejit studeanttaid ja bargiid riikkaidgaskasaš lonuhallama
- Oahpaheaddjioahpuide ásahtit relevánta ja bistevaš eamiálbmotfierpmádagaid ja riikkaidgaskasaš fierpmádagaid
- Háhkát áigeiguovdilis, ceavzilis ja ávkkálaš riikkaidgaskasaš dutkanprošeavttaid ovttas eará sámi ásahusaiguin, eamiálbmotásahusaiguin dahje eará ásahusaiguin
- Joatkit dutkandoarjjašiehtadusa Davviriikkaid Ministtarráđiin ja dahkat dovddusin daid bohtosiid
- Ángirrit ocat eksterna dutkanruđaid earret eará Norgga dutkanráđi ja EU bokte
- Heivehit eamiálbmotdutkama ja -oahpahusa ođđaseamos dieđuid ja bohtosiid allaskuvlla doibmii ja almmuhit daid sámeservodahkii ja dutkanservodahkii
- Ovdánahttit áššedovdivuogádaga eamiálbmotáššiin ja eará riikkaidgaskasaš áššiin
- Olgoriikkastudeanttaid várás ásahtit vuogádaga mii doarju sin studerema Sámi allaskuvllas

Čuovvoleapmi

Sámi allaskuvla čuovvolahtta dan, mo strategiijaplána ollašuvvá doaibmaplánaid, jahkeplánaid, bušeahttadokumeanttaid ja stivrre mearrádusaid bokte. Stivrre meannuda jahkásaččat strategiijaplána stáhtusraportta ja dan, mo ulbmilat leat ollašuvvan.

Dát Strategiijaplána lea dohkkehuvvon 13.12.2016 ja lea doaimmas 1.1.2017 rájes 31.12.2021 rádjái.